

天一閣藏明代方志選刊

寶應縣志畧

一九六二年四月上海古籍
書店據寧波天一閣藏明嘉
靖刻本景印原書版框高二
〇·八公分寬一四·六公分

寶應縣志序

志古列史也寶應原無志嘉靖庚寅
侍御聞人北江君令茲土惜之因手
撰成書旋奉

命入

朝遂廢今年冬余觀風寶應求縣志吏
上志稿余覽之嘆曰此而不傳邑無
考矣後之人其將奚鑑其將奚戒哉

愛命刊之用成北江君之志云

嘉靖十七年歲次戊戌冬十一月

欽差巡按直隸監察御史蒲坂舜原楊瞻
序

叙寶應縣志畧

直隸提學御史餘姚聞人詮撰

聞人子曰寶應縣志其詳不可得聞也
君子曰異哉異則廢撰輯其事而備志
焉備則誣是故志也者識也積集其事
而記之之謂志乃稽諸往典質諸士人
證以一統維揚新舊等志述其所可信
者志而傳之所不可信闕焉以俟後之

卷之六
一
君子因題曰志畧

右庚寅之歲令寶應督諸生輯志語
志將脫稿赴召命未克鋟梓踰六年
二三子嗣成之仍以前語綴其端

寶應縣志畧目錄

卷之一

天文志第一

地理志第二

卷之二

田賦志第三

祠祀志第四

官師志第五

卷之三

人物志第六

卷之四

附錄詩文

義例志史也事必核文必當義必精夫是之謂史今撰
寶應志畧首天文以邇陟降次地理以物土疆次田賦
以程徵役次祠祀以正報典次官師以重訓則終人物
以稽彥哲共凡六篇而邑之故實畧具焉蓋有志於史
而不敢苟焉作也六篇之中義以立事例以義裁凡事
實譌冗及好事近誣者不書食貨常有者不書官屬卑

冗無聞者不書人物存者不書一切私家詩序碑志不
書附錄詩文一卷凡邑事應紀者存焉

寶應縣志畧目錄終

重刊志金

三

寶應縣志畧卷之一

天文志第一

周禮春官保章氏以星土辨九州之地皆有分星以觀

妖祥

鄭氏註星紀吳越也

漢志吳地斗分野**晉志**揚州九江入斗

一度**隋地里志**揚州在天官自斗十二度至須女七度

爲星紀於辰在丑**魏陳卓**言群國所入宿度曰廣陵入

牛八度聞人子曰寶應廣陵比鄙亦入牛八度**災祥舊**

無載籍接近志弘治十有六年夏大旱

邑人仲氏本賑粥

十有

七年夏四月麥秀五岐十有八年旱蝗大無稼正德元

年春正月元日湖水花樹文三年大旱蝗六年春正月

朔晝晦如夜夏六月大水湖决凡决廬舍田禾盡毀九年大旱蝗

十有二年大水湖十有四年大水湖决南北嘉靖二年

春旱秋大水湖决大饑三年大疫知縣劉恩兩請賑七年蝗是年

奏蠲田科之半秋八月試築越河二龍見知縣聞人詮慮湖為患奏開越河試築紀

工方類地抵舉事雲四合二龍戲水射洋鱗角畢露衆懼雨寢工時四面皆大雨獨不及工所咸稱神異

八年春旱蝗夏蝗甚赴湖死者餘千石秋大水奏蠲田租九年秋七

月湖决十日脩復十六年春旱夏五月淫雨彌旬水大發湖

决南北越月脩復

地理志第二

禹貢揚州之域春秋屬吳吳亡屬越越亡屬楚秦屬九

江郡漢置平安縣屬廣陵郡又名安平王莽改為杜鄉

東漢又改為安宜縣邑有安宜溪梁置陽平東莞二郡隋開

皇初罷郡置安宜縣又省石鰲縣入焉邑有石鰲城屬江都

郡唐武德四年立倉州領安宜縣尋廢州以縣屬楚州

上元三年獲定國寶遂更為寶應縣宋初因之寶慶三

年陞為寶應州以蒙國進寶歲豐又陞為軍元初為寶應軍路

後改安宜府尋罷為寶應縣屬高郵府 國朝克定淮

地爲高郵州寶應縣屬揚州府地廣二百四十里袤八
十里其疆域所接東鹽城東南興化南高郵西南天長
西鳳陽西北清河北山陽東北海州舊有城周九里三
十武廣二里二百六十武表三里宋嘉定間令賈涉請
城寶應役興以憂去金人犯光州起涉竟前役宋史淳祐
十三年李庭芝復城寶應進一秩宋史元至正十年僉院
蕭城增築之國初淮陰侯華中移築淮安爲新城舊
基尚存縣治三十四里南臨五湖北距長淮東漸于海
西障雲山爲南要衝故州志云東南咽領魯渙曰淮東

控扼有六四曰寶應此為形勝焉

邑名寶應以唐上元三年獲定國寶更安宜為寶應縣

唐史

肅宗時楚州獻定國寶玉十有三命皇太子監國

大赦

唐史唐改成式記監國詔曰上天降寶獻自楚州神明生歷數之符合璧定妖災之氣

代宗

監國楚州獻定國寶十有三因曰楚者太子之封今天

降寶於楚宜以建元乃以元年為寶應元年

唐史

肅宗建

巳月壬子楚州刺史崔旆表稱有尼真如恍惚登天見

上帝賜以寶玉十三枚曰中國有災其以此鎮之群臣

表賀

按真如獲寶事唐人有鄭輅杜確記俱不存今見宋石豫定國寶記傳疑也記畧曰唐河南鞏縣尼

真如本趙郡李氏子始嫁賀若氏夙喪其夫旣髡爲尼以精進心力持齋行天寶初尚在鞏時晝日有五色雲從東方來雲間若有人以囊授真如戒曰爾需後命勿妄起發真如敬受蘊藏刺置持獲逮安史亂國兵震蕩衣冠遷播真如避地淮楚寓居安宜上元二年冬十二月忽二皂衣人召真如繇東南行見樓觀參差兵衛謹嚴有人衣碧衣冠碧冠光輝顯昂號曰天帝賜列坐者凡二十餘亦曰諸天相與語曰唐室中圯殺戮腥穢當歛寶以安鎮之內一天曰中原庶民福力蹇淺當給第三寶然沴氣充塞不足以勝則災不可弭帝曰然因歛第二寶付真如曰汝歸諭刺史俾以狀聞又曰前付汝囊中寶人臣可見今付汝八寶惟人主可見具以寶名及鎮用法授真如已而皂衣復送真如還舍由縣上郡刺史崔旆以聞適賊將圍睢陽城蔽遮江淮路郡給兵衛由便道馳詣闕下時方上元三年更爲寶應元年十三寶者一曰元黃天符辟兵疫也二曰玉雞彰孝治也三曰穀壁豐五穀四曰王母玉環賓四夷也此真如前所授於鞏者通王母二環總其數爲五也六曰如意珠

七曰紅韎韐八曰琅玕二珠九曰玉珎十曰玉卬十一曰皇后採桑鈎十二曰雷公石斧此真如後所受於安宜者通琅玕二珠總其數爲十三也

山有雲山以雲出卽雨故名在縣西南一百五十里近盱眙高十八丈長三里上有龍潭水不竭爲石龍廟僊人洞長十二丈廣八丈有門可容人行

箕山在縣東六十里高一丈五尺周迴四十里見太平寰宇記今無山惟丘阜百餘

褚廟岡在縣西一百里上有龍王廟高一丈九尺

雙女岡在縣東五十里高二丈餘